



Векало Якъуба яздина кехат

Векало Якъуба яздинчу кехат тӀехъ «дуьнен чухула дӀасабаьржинчу» массо а Иийсах тешаш болчаьргахула чекхбахархъама бина болу хъехамаш цхъаьнатоьхна бу. Яздархочо дукха масалшкахула а, кицанашкахула а Иийсах тешаш болчу нахана муха лела беза хоуьйтуш болу хъекъале хъехам ло. Тешаш берш муха хила беза а гойтуш, тайп-тайпанчу хӀуманех лаьцна бо цо и хъехам: хьал а, къоьлла а, зер а, озьдангалла а, озабезам а, гуллакхашца долу тешар а, меттан дола дар а, хъекъалалла а, къовсам а, вазвар а, эсалалла а, кхечунна кхел яр а, собар а, доӀа а.

Кехат тӀехъ Якъуба чӀагӀдина, Иийсах а тешаш, и тешар гойтуш долу гуллакхаш дан деза вай аьлла.

Дешхьалхе

1 ¹Делан а, Цо леррина къобалвинчу Иийса-Элан а лай волчу Якъубера дуьнен чухула дӀасабаьржинчу шийтта тайпане* маршалла ду.

Делах тешар а, хъекъалалла а

²Сан вежарий, доккха хазахетар санна ларалаш тайп-тайпана зераш шайна тӀе мосазза хӀуьтту. ³Шуна-м хаьа шайн тешар зерах чекхдаларо собар кхиош дуйла. ⁴И собар кхачаме хилла дӀахӀотта деза, шу, цхьа а дерт а доцун, дуьззина кхачамалла долуш хилийта. ⁵Амма шуна юкъаьх цхьанна хъекъалалла ца тоаьх, цо иза Деле деха деза. Ша луш дерг атта а, бехкаш ца дохуш а луш волчу Цо иза массарна а лур ду. ⁶Амма иза тешарца а, шеко йоцун а деха деза, хӀунда аьлча шеко йолуш верг мохо ловзочу тулгӀенах тера ву. ⁷Иштта волчу стага, Везачу Элера цхъаь тӀеоьцур ду алий, дог а ма даха. ⁸Шалха ойланаш йолу стаг ма ву иза, ша дечу хӀуманна тӀехъ чӀагӀо а йоцун.

* ^{1:1} *Шийтта тайпане* – Якъуба боху, Иийсах тешнарш мостагӀаша массанхьа дӀасадаржийна хиллачу Исраилан халкъан шийтта тайпанах тера бу.

Къоьлла а, хьал а

⁹Таро йоцу динан ваша синан лакхарчу хьолах воккхавеван веза, ¹⁰ткъа таро йолуш верг синан лахарчу хьолах воккхавеван веза, хӀунда аьлча иза дӀавер ву дуьнен чуьра, бецан зезаг санна. ¹¹Малх хьала а гӀоттий, йовхо йогӀу. Йовхоно буц якъайо, бецан зезаг дужу, хазалла а дӀайолу. Иштта хьалдолу стаг а, шен гӀуллакхаш а деш, дӀаволу.

Зер а, хӀума марздалар а

¹²Декъалвина ву зенашна садеттарг, хӀунда аьлча иза зийначул тӀаьхьа, ял санна, хедар доцучу дахаран таж лур ду цунна Ша везачарна иза лур ду аьллачу Везачу Эло. ¹³Ша зуьйш волчу хенахь стага ма баха: «Дала со зуьйш ву». Вочу хӀуманца Дела зелур вац, ткъа Цо Ша цхьа а ца зов. ¹⁴Амма хӀора а шен харц лаамаша зуьйш ву, цара иза, Iexa а вой, дӀалоцу. ¹⁵Стаг харц лаамца цхъаьнакхеттачул тӀаьхьа, цу харц лаамо къа кхуллу, ткъа къино, кхачаме схьа а кхачьна, Южалла кхуллу.

¹⁶Шаш Iexa ма дайта, сан хьомсара вежарий. ¹⁷Муьлхха а дика а, кхачаме а совгӀат лакхара, стигалан серлонаш кхоьллинчу Дегара догӀу. Иза, уьду мархаш санна, хийцалуш вац. ¹⁸Шен лаамца, бакъдолчу кхоаца кхоьллина Цо вай, Ша кхоьлинчарна юкъаьх вай лараме* хилийта.

ЛадогӀар а, кхочушдар а

¹⁹Сан хьомсара вежарий, муьлхха а стаг ладогӀарна сихвала веза, ткъа шен хабарна а, оьгӀазаллина а собаре хила веза, ²⁰хӀунда аьлча адаман оьгӀазалло стаг Далла хьалха бакъ ца хуьлуьйту. ²¹Цундела муьлхха а хьарам хӀума а, вон мел лелар а дӀадаккха. Далла муьтӀаьх а хуьлуш, шайга кховдийна а, шашь кӀелхьардаха тарлуш долу а Делан дош тӀеэца.

²²Делан дош кхочушдеш болчарах хилалаш, цуьнга ладугӀурш бен а ца хилла, шашь Iexochарах тар а ца луш. ²³ХӀунда аьлча, Делан даше ла а дугӀуш, иза кхочуш ца деш волу стаг шен билггал йолчу юьхье куьзгана чу хьобжучух тера ву. ²⁴Шега а хьаьжна, иза юьстахволу, ткъа цу сохьта шен юьхьсибат цунна дицло. ²⁵Амма Делан кхачаме болчу а, паргӀато лучу а хьехаме леррина а хьожуш, цуьнан кхидӀа а тидам а беш, вицлуш волу ладогӀархо а воцуш, и хьехам кхочушбийриг ша мел дечу гуллакхашна тӀехъ декъалвина хир ву.

²⁶Нагахь цхьаммо, ша суьпа а хеташ, шен маттана дуьрста ца йолахь, цо ша-шен Iexаво, цуьнан суьпа хилар а даьсса ду. ²⁷Да волчу

* ^{1:18} *Лараме* – кхузахь Якъуба Иийсах тешаш берш дуьхььара схьаэцначу ялте тарбо, хьалха жуьгташа Везачу Элана сагӀина луш долу ялта санна.

Далла хьалха цена а, бехдалаза а суьпалла иштта ду: байшна а, бисина Гачу зударшна а Го дар а, дуьнен чохь долчу вочуьнга ша бех ца вайтар а.

Озабезамах лаьцна

2 ¹Сан вежарий! Дала леррина кьобалвинчу Гийсах, вайн сийлаллин Элах, а тешаш, озабезамца цхьаьнга ма хьажалаш. ²Нагахь шун гуламе, дашо мухIар а доьлина, деза духар дуьйхина хьалдолу стаг веача а, беркба духар дуьйхина кьен стаг веача а, ³аша, деза духар дуьйхина волчу стаге а хьаьжна, цуьнга ала мега: «Кхузахь дика хир ду хьуна, охьахаа», ткьа кьечуьнга ала мега: «Хьо хьуьлла дIахIотта, я кхуза, сан когашка, охьахаа». ⁴Иштта дича, шайна юкьахь кьестамаш кхуллий те аша? Харцойланаш йолу кхелахой хуьлий те шух?

⁵ЛадогИийша, сан хьомсара вежарий, дуьнен чуьра кьен нах Дала ца хаьржина те? Тешарехь хьал долуш хилархьама а, Ша везачарна лур ду аьллачу олалле кхачийтархьама а Дала уьш ца хаьржина те? ⁶Ткьа аша кьениг дIатеттина. Хьалдолу нах бац шуна ницкь беш берш, уьш бац шу кхеле ийзош берш? ⁷Шуна елла сийлахь цIе сийсазъеш бац уьш?

⁸Нагахь Делан Йозанашна тIера болу паччахьан хьехам: «Уллораниг веза, хьо санна», аша кхочушбахь, аша деш дерг нийса ду. ⁹Амма стаге озабезамца шу хьовсахь, аша кьа латадо, товрат-хьехамаш шу, зуламхой санна, бехкедо. ¹⁰Берриг а товрат-хьехамаш кхочуш а беш, цхьана хIуманна тIехь кьалатийнарг массо а хIуманна тIехь а бехке хуьлу. ¹¹«Нахаца ма лела», – Аьллачо аьлла: «Адам ма де», цундела, нагахь хьо нахаца лелаш вацахь, амма ахь адам дехь, хьо Дала тIедиллинарг дохош волу зуламхо ву. ¹²ПаргIато лучу хьехамашка хьаьжжина, Дала кхел ен йолчу наха санна, ала а ала, Гуллакх а де. ¹³ХIунда аьлча кьинхетам боцу кхел хир ю шегара кьинхетам ца гайтинчунна. Кьинхетам кхелал а лакхара бу.

Тешар а, гIуллакхаш дар а

¹⁴ХIун пайда бу, сан вежарий, стага шен тешар ду баьхча, амма цо деш долчу Гуллакхаша иза гойтуш ца хилча? Ишттачу тешаро кIелхьарвоккхур вуй иза? ¹⁵Нагахь вешина я йишина тIеюху хIума а, кхача а эшахь, ¹⁶ткьа шух цхьаммо цаьрга алахь: «Маьрша дIаГо, дох а ло, дузалц хIума а яа», амма царна обьсург ца лахь, хIун пайда бу цуьнан? ¹⁷Иштта ду тешар а, нагахь цуьнца цхьаьна деш Гуллакхаш дацахь, иза делла ду.

¹⁸Амма цхьаммо ала тарло: «Хьан тешар ду, ткьа сан Гуллакхаш ду». Гуллакхашца доцуш долу хьайн тешар гайта суна, ткьа аса Гуллакхашца долу сайн тешар гойтур ду хьуна. ¹⁹Хьо теша Дела цхьаь хиларх, иза дика

^{2:8} Iамалъяр 19:18. ^{2:11} Арадаккхар 20:14; Карлабьаккхинарг 5:18; Арадаккхар 20:13; Карлабьаккхинарг 5:17.

ду. Ур-атталла жинаш а теша Иза хиларх – ткьа уьш кхерарна дегадо! ²⁰Амма хаа лаьий хьуна, сонта стаг, гIуллакхашца доцу тешар эрна дуйла? ²¹Шен гIуллакхашца Далла хьалха бакьхилла вац вайн да ИбрахИм, шен кIант Исхьакх сагIа доккхучу меттиган гIулгашна тIе а виллина? ²²Гой хьуна, цуьнан тешар гIуллакхашца цхьаьнадогIуш хилла, и гIуллакхаш бахьана долуш и тешар кхачае хилла. ²³Делан Йозанашкахь аьлларг кхочушхилла: «ИбрахИм тийшира Везачу Элах, цундела Цо иза Шена хьалха бакьвина лерира», цунах Делан доттагIа элира. ²⁴Гой шуна, стаг Далла хьалха бакьхуьлу шен гIуллакхашца, тешарца хилла а ца Iаш.

²⁵Иштта, нахаца лела Рахьаб ша дина гIуллакх бахьана долуш Далла хьалха бакьхилла, бахкийтина нах тIе а лаьцна, уьш кхечу новкьахула дIа а хьовсийна. ²⁶Цундела, шена чохь са доцу дегI делла ма-хиллара, гIуллакхашца доцу тешар а делла ду.

Шайн меттан дола де

3 ¹Сан вежарий! Шуна юкьара кIеззиг нах бен ма хила хьехархой. Шуна хаьа, вайна еш йолу кхел мел чIога хир ю, ²хIунда аьлча вай массара а кьинош дукха летадо. Дашаца цкьа а кьа ца латош верг кхачае стаг ву, цуьнга шен дерриг дегIан дола дало. ³Вай говрийн бага гаьллаш йохку, уьш вайга ладугIуш хилийта, тIаккха церан догIмаш леладо вай. ⁴Масала, хIордан кеманаш а, мел даккхий уьш делахь а, ондачу мехаша лелаш деллахь а, жимачу тIомаца дIадохуьйту хIордахочо шена луьучу. ⁵Иштта, матто а, кIезиг меже елахь а, доккхачу гIуллакхашна тIехь куралла йо.

Хьажал, жимачу цIаро мел йоккха хьун ягайо! ⁶Мотт а цIе ю. Иза дегIан вукху меженашна юкьахь вон дуьне санна бу. Матто дерриг дегI а бехдо, вайн дахаран некь хьала а латабо. Ткьа ша жожьахатин цIарах хьалалеташ бу иза. ⁷Муьлхха а экха а, олхазар а, текхарг а, хIордан дийнат а стага караIамадан тарло (баккьалла а, уьш караIамийна ду). ⁸Амма адамашка цхьаьнгге а мотт кара ца Iамало, иза саца ца луш долу вон ду. Мотт Южаллин дIовшах буьзна бу. ⁹Цуьнца Веза Эла а, Да а декьалво вай, цуьнца Делан сибатехь кхоьллинчу адамна неIалт а олу вай. ¹⁰Цхьана багара сьхадолу декьалвар а, неIалт алар а. Иштта хила йиш яц, сан вежарий. ¹¹Цхьана хьостанах сьхадер дуй мерза а, кьаьхьа а хи? ¹²Сан вежарий, инжиран дитта тIе зайт-диттан стоьмаш а латор бац, кемсийн таьлланга тIе инжираш а латор яц. Иштта дуьрачу хьостано мерза хи лур дац.

Лакхара долу хьекьалалла

¹³Ша хьекьал а, кхетам а болуш волчо шен обьзачу леларца а, хьекьалера сьхадолчу эсалаллехь динчу гIуллакхашца а гайта ца деза иза? ¹⁴Амма

^{2:21} Доладалар 22:1-14. ^{2:23} Доладалар 15:6; 2 Шерашкахь 20:7; ЕшаI-ЯхIу 41:8.

^{2:25} Якьуба 2:1-21. ^{3:9} Доладалар 1:26.

шун даг чохъ къаьхъа хьагI а, шена пайда лехар а делахъ, дозаллаш ма де, бакъдолчунна дуйхъал харцо ма лелае. ¹⁵Иза лакхара долу хьекъалалла дац, амма дуьненан, синан, жинийн хьекъалалла ду. ¹⁶ХIунда аьлча хьагI а, шена пайда лехар а долчохъ низам дохор а, мел долу вониг а ду. ¹⁷Амма лакхара долу хьекъалалла, цкъа-делахъ, цена ду, цул тIаьхъа, машаре а, оьзда а, къинхетамах а, дикачу стоьмех а дуьзна а, озабезам боцуш а, шалхо йоцуш а ду. ¹⁸Барт кхуллуш болчара бертахъ дийначу хIух нийсонан ялта схьадолу.

ХIара дуьне дезар

4 ¹Къийсамаш а, девнаш а мичара ду шун? Шун меженашкахъ вовшашца тIом бечу а, дуьненан хIума тIех дезачу а лаамех схьадуьйлуш дуй те уьш? ²ХIума деза шуна, амма иза ца хуьлу шуна. Адам дел чIогIа хьагI хуьлу шуьца, амма дезачуьнга ца кхачало шу. Вовшашца а къуьйсу, девнаш а доху аша, амма дезарг ца хуьлу шуна, хIунда аьлча аша, Деле доьхуш, доIа ца до. ³Дехча а, ца хуьлу шуна иза, хIунда аьлча аша дикачу хIуманна ца доьхуш, дуьненан хIума тIех дезачу шайн лаамийн дуйхъа доьху. ⁴Тешам боцури! ХIара дуьне дезар Делаца мостагIалла хилар дуйла ца хаьа шуна? Дуьненах шена доттагIа хила лууш верг Делан мостагIа хуьлу. ⁵Шуна моьтту хир ду Делан Йозанашкахъ эрна аьлла: «Дала вайна чохъ Иан деллачу Синна вай Шен хила лаьа»? ⁶Амма Дала кхин а доккха дика дина вайна. Цундела аьлла ду:

«Дела курачарна дуйхъал ву,
ткъа муьтIахъ болчарна Шен дика ло Цо».

⁷Цундела Далла муьтIахъ хила, иблисана дуйхъалдовла, тIаккха иза шух додур ду. ⁸Далла улло гIо, Иза а шуна улло вогIур ву. Къинош летийнарш, шайн куьйгаш дила, шалхончаш, шайн дегнаш цIанде. ⁹Халахета, делха, тийжа. Шун деларх делхар хуьлийла, хазахетарх сингаттам хуьлийла. ¹⁰Везачу Элана муьтIахъ хила, Цо ойур ду шу.

Вежарина кхел ярх лардар

¹¹Вежарий, лен ма ле вовшашна. Шен ваша вон вуьйцуш, я цунна кхел еш волчо Делан хьехамна кхел а йо, иза вон а буьйцу. Нагахъ хьо Делан хьехамна кхел еш велахъ, хьо иза кхочушбеш вац, ткъа цуьнан кхелахо ву. ¹²Хьехам Белларг а, Кхелахо а цъаь ву, Цо кIелхьарваккха а, хIаллакван а тарло. Ткъа хьо мила ву кхечунна кхел ян?

Дозаллаш дарх лардар

¹³Ткъа хIинца аша ладогIалаш, хIара къамел дийраш: «Тахана я кхана оцу гIала а дахана, цигахъ цъхана шарахъ Иийр ду вай, мах а лелийна,

^{4:6} Кицанаш 3:34 (Грекийн).

пайда бийр бу вай». ¹⁴Шуна ца хаьа, кхана хIун хир ду. ХIун ду шун дахар? КIеззигчу ханна деана а, юха дIадолу а дохк ду иза. ¹⁵«Везачу Элана лаа а лиьна, вай дийна дисахъ, хIара я кхин дийр ду вай», – аларан метта, ¹⁶шу дозаллаш деш ду, шаьш дегала долу дела. Ткъа муьлхха а иштта дозалла вониг ду.

¹⁷Цундела, дан дезаш долу диканиг а хууш, и ца деш волчунна къа хир ду.

Хьалдолчарна дIахьедар

5 ¹ЛадогIалаш аша, хьалдолчара: делхалаш, тийжалаш, хIунда аьлча бохамаш бу шуна тIехIуьттуш. ²Шун хьал, телхина, дIадаьлла, шун духарш нецано диина. ³Шун деши а, дети а мекхадобьлла. Церан мекха шуна дуйхъал тоьшалла деш хир ю, цо, цIаро санна, дагор ду шун дилха. Ткъа аша дуьненан тIаьхьарчу деношкахъ шайна хазна гуьйина. ⁴Шун аренаш лелийначу белхалойн ял ю кхойкхуш, аша, дIа ца луш, сацийна йолу. Ялта чудерзочеран тийжар массо а ницкъийн Везачу Элан лергашка кхаьчна ду. ⁵Шу, хьал а долуш, даьхна дуьнен тIехъ, зовкх а хьогуш. Шаьш дарстийна аша, сагIа даккха кечдина бежанаш санна. ⁶Аша, кхел а йина, бехк боцуриш байира. Цаьрга шуна дуйхъало ца яло.

Собар а, доIа а

⁷Вежарий, собаре хилалаш, Веза Эла схьаваллалц. Латта лелош волчо безачу стоьме сатуьйсийла хаьий шуна? Иза собарца хьобжу хьалхара а, тIаьхьара а догIа даре. ⁸Иштта шу а чIогIа собаре хилалаш, шайн дегнаш чIагIделаш, хIунда аьлча Веза Эла вар гергакхочуш ду.

⁹Вовшашна аьрзнаш ма делаш, вежарий, шайна кхел ца яйтархьама, хIунда аьлча Кхелахо неIарехъ лаьтгаш ву. ¹⁰Баланаш а ловш, собаре хиларан масална Везачу Элан цIарах дуьйцуш хилла болу пайхамарш схьаэца, сан вежарий. ¹¹Собарца баланаш хьегнарш декъалбинарш лору вай. Шуна хезна Аюба лайначу халонех лаьцна. Ткъа Везачу Эло цунна эххар а динарг а хаьа шуна, хIунда аьлча Веза Эла чIогIа къинхетаме а, стагах дог лозуш а ву.

¹²Уггар хьалха, сан вежарий, стигалх а, лаьтгах а, я кхечу хIуманаш а чIагIонаш ма елаш, амма шун «хIаь» «хIаь» хила деза, «хIан-хIа» «хIан-хIа» хила деза, шу бехке ца хилийтархьама.

¹³Шух цъаь бала хьобгуш велахъ, цо доIа дан деза, самукъадаьлла велахъ, хастам баран йиш лакха еза. ¹⁴Шух цъаь цомгуш велахъ, цо Иийсах тешачийн тобанан куьйгалхой кхайкха беза. Цара доIа дан деза цунна тIехъ, Везачу Элан дуйхъа цомгушчунна деза даьтта а хьокхуш.

^{5:2, 3} Маттай 6:19. ^{5:4} Карлабаьккхинарг 24:14, 15. ^{5:11} Аюб 1:21, 22; 2:10; Забур 102:8.

^{5:12} Маттай 5:34-37. ^{5:14} Марк 6:13.

¹⁵Тешаран доІано цомгушниг товийр ву, Везачу Эло иза когаш тІе хІот-тор ву. Нагахь цо къинош летийнехь, цунна гечдийр ду. ¹⁶Шайгара даьллачу къиноых лаьцна даре а деш, вовшех лаций доІа де, шайна гІоле хилийта: Делан лаамехь волчо динчу доІано дуккха а дан тарло, цуьнга-хула ницкъ баларна. ¹⁷ЭлияхІу вай санна стаг вара. Цо, догІа ма дайита аьлла, чІогІа доІа дича, кхаа шарахь а, ялх баттахь а лаьтта тІе догІа ца деара. ¹⁸Юха цо доІа дича, стигалара догІа а деара, лаьтто шен стом а белира.

¹⁹Вежарий, нагахь шух бакьдолчун новкъара ваьлларг цхьаммо нис-вахь, ²⁰цунна дІахаййла, харц новкъара къа латийнарг нийсачу новкъа ваьккхинчо лечуьра са кІелхьар а доккхур ду, дуккха а къинош дІа а къовлур ду.